

Evening Dogri (NSD) Bulletin

24-06-2025

आकाशवाणी

खबरां

- प्रधानमंत्री नरेंद्र मोदी होरें आखेआ जे आपरेशन सिंदूर नै वैश्विक स्तर पर आतंकवाद गी लेइयै भारत दी दना बी बर्दाश्त नेई करने आहली नीति दा स्नेहा दित्ता ऐ।
- अमरीका दे राष्ट्रपति डोनाल्ड ट्रम्प होरें आखेआ जे ईरान-इजराइल बश्कार युद्ध विराम लागू, उनें दवें देशें गी इसी बरकरार रखने दी कीती अपील।
- आपरेशन सिंदूर तैहत 2 जहार 295 भारतीयें गी ईरान थमां लेआंदा गेआ, वायु सेना विमान नै इजराइल थमां 326 भारतीयें गी वापस देश आंदा।
- कर्मचारी भविष्य नीति योजना ई.पी.एफ.ओ नै पेहलें दे दावें आस्तै नबेडे सरबन्धी राशि गी 1 लख थमां बदाइयै 5 लख रपे कीता।
- ताईवान नै 12 चीनी विमान ते नौसेना दे 7 जहाजें दा अपने क्षेत्रें दे कोल कश होने दी जानकारी दित्ती ऐ।
- चुनाव आयोग नै वरिष्ठ कांग्रेस नेता राहुल गांधी हुंदे महाराष्ट्र विधानसभा चुनाव च धांधली दे आरोपें गी गलत ठहराया, आयोग नै आखेआ जे पूरी चुनाव प्रक्रिया विकेंद्रीकृत ढंग्गै कन्ने करवाई गेई ऐ।

<><><><><><>

PM-Op Sindoor

प्रधानमंत्री नरेंद्र मोदी होरें आखेआ ऐ जे आपरेशन सिंदूर नै पूरी दुनिया च सनेहा दित्ता हा जे भारत आतंकवाद गी जरा बी बर्दाश्त नेई करोग। उनें आखेआ जे भारत नै एह साफ करी दित्ता ऐ जे

भारतीयें गी नुकसान पजाने आहलें आस्तै कोई बी थाहर सुरक्षित नेई ऐ। प्रधानमंत्री होर भारत दे 2 आध्यात्मिक गुरूएं श्री नारायण गुरू ते महात्मा गांधी बश्कार ऐतिहासिक वार्ता दे शताब्दी कार्यक्रम च बोला रदे हे। उनें आखेआ जे दवें नेताएं बश्कार ऐतिहासिक गल्लबात 100 बरें पैहले केरल दे शिवागिरी मठ च होई ही, जिनें आजादी दी लड़ाई गी नमीं दिशा दित्ती ते भारत गी विकसित भारत दे सफर तोड़ी प्रेरित करदी ऐ। मोदी होरें आखेआ जे सारे मूल राष्ट्र गी सबका साथ सबका विकास दी बत्तै पर अगड़े बढने गी प्रेरित करदे न। इस कार्यक्रम च केंद्री मंत्री जार्ज कुरियां, सांसद अदूर प्रकाश ते शिवागिरी मठ दे संत शामिल होए।

<><><><><><>

Israel-Ceasefire

इजरायल-अमरीका दे राष्ट्रपति डोनाल्ड ट्रम्प हुंदे ईरान कन्नै युद्ध विराम दे प्रस्ताव पर राजी होई गेआ ऐ। प्रधानमंत्री बेंजामिन नेतान्याहू हुंदे दफ्तर थमां बयान आया ऐ जे तेहरान दे न्यूक्लियर ते बैलिस्टिक मिसाइल खतरे गी खत्म करने दे मकसद दे पूरा होने कन्नै ओहू युद्ध विराम आस्तै तैयार न। बयान च अमरीका दा उंदा सहयोग देने ते ईरान दे न्यूक्लियर खतरे गी खत्म करने च भूमिका निभाने आस्तै धन्नवाद बी कीता गेआ। नेतान्याहू होरें आखेआ जे इजराइल युद्ध विराम च कोई बी उल्लंघना दा जोरदार जवाब देग। अज्ज पैहले ट्रम्प होरें आखेआ हा जे इजराइल ते ईरान बश्कार युद्ध विराम होने जा रदा ऐ ते उनें दवें देशें गी एहदा उल्लंघन नेई करने आस्ते आखेआ ऐ। ईरान इजराइल बश्कार युद्ध विराम गी घोषणा अमरीका दे राष्ट्रपति डोनाल्ड ट्रम्प होरें 23 जून 2025 गी कीती जेड़ा दवें देशें बश्कार खरे मते मिसाइल हमलें ते जानलेवा कारवाइएं दी 12 दिनें दी जंग बाद होआ।

<><><><><><>

Israel-Iran Ceasefire

इजराइल रक्षा बलें दावा कीता ऐ जे अमरीका दे राष्ट्रपति डोनाल्ड ट्रम्प तरफा युद्ध विराम दी घोषणा दे बावजूद ईरान नै मिसाइलयां दागियां। आई.डी.एफ नै आखेआ ऐ जे ईरान तरफा

बैलिस्टिक मिसाइलयां लांच कीतियां गेइयां न ते उत्तर इजराइल च सायरन दी अवाज बी सुनी गेई। एहू घटना तुरत गै उस्सलै होई जिसले इजरायल नै आखेआ हा जे ओहू ईरान कन्नै युद्ध विराम आस्ते राजी ऐ।

<><><><><><>

PM-Food Processing

प्रधानमंत्री नरेंद्र मोदी होरें अज्ज आखेआ जे भारत दे फूड प्रोसेसिंग यानि खाद्य प्रसंस्करण क्षेत्र नै पिछले बरे च खरा मता विकास दर्ज कीता ऐ जेदे कन्नै ग्राएं दे उद्यमिं दा सशक्तिकरण होआ ऐ। मोदी होरें एहू गल्ल खाद्य प्रसंस्करण उद्योग मंत्री चिराग पासवान हुंदे इक लेख दा जिक्र करदे होई आक्खी। अपने लेख च मंत्री होरें आखेआ जे प्रधानमंत्री नरेंद्र मोदी हुंदी अध्यक्षता च इक बेमिसाल बदलाव आया ऐ।

<><><><><><>

Op-Sindhu

पच्छिमी एशिया दे जंग प्रभावित क्षेत्रें थमां 2 ज्हा 295 भारतीयें गी ईरान थमां भारत आपरेशन सिंदूर दे तैहत् लेआंदा गेआ ऐ। विदेश मंत्रालय दे प्रवक्ता रणधीर जायसवाल होरें आखेआ जे 292 भारतीयें गी ईरान दे मछाड़ थमां नमीं दिल्ली इक खास फ्लाइट जरिए लेआया गेआ। भारतीय वायु सेना दे सी-17 फ्लाइट नै बी इजराइल थमां 165 भारतीयें दी देश वापसी करवाई। एहू डोआरी अमान थमां नमीं दिल्ली अज्ज पुज्जी। देश च वापसी करने आहलें दा सोआगत सूचना, प्रसारण ते संसदीय मामलें दे राज्य मंत्री डॉ. एल मुरुगन होरें कीता। मीडिया गी जानकारी दिंदे होई मुरुगन होरें दस्सेआ जे देश वापसी करने आहले यात्रुएं 22 राज्यें कन्नै ताल्लुक रखदे न ते अपने देश वापिस पुज्जने पर सारें बड़े गै खुश न। भारत ते तल अवीव थमां अमान नै अगगे दिल्ली तोड़ी फ्लाइट लेई मुफ्त सेवा प्रदान करा रदा ऐ जदके यात्रुएं गी कोलंबो तोड़ी दे सफर दा बंदोबस्त करना लोड़चदा ऐ।

<><><><><><>

Mandviya-EPFO

कर्मचारी भविष्य निधि संगठन नै आखेआ ऐ जे अगगे दे दावें आस्तै तौलें नबेडे दी राशि दी सीमा गी 1 लख थमां बदाइयै 5 लख रपे करने दा फैसला लैता गेआ ऐ। एहू राशि लाभार्थिगं गी 72 घंटें दे अंदर दिती जाग। केंद्री श्रम ते रोजगार मंत्री मनसुख मांडविया होरें इक सोशल मीडिया पोस्ट च एहदी जानकारी दिंदे होई आखेआ जे एहू कदम लोकें दे हित च ऐ। उनें आखेआ जे पिछले वित्त बरे च 2 करोड़ 32 लख दावें दा नबेड़ा कीता गेआ हा जदके 2023-24 च सिर्फ 89 लख दावें दा नबेड़ा कीता गेआ हा।

<><><><><><>

Army Emergency Procurement

आतंकवाद रोधी कारवाइगं च भारती सेना दी तत्पर प्रतिक्रिया सरबंधी क्षमता गी मजबूत करने दे मकसद कन्नै रक्षा मंत्रालय नै आपातकालीन खरीद प्रतिक्रिया हेठ 13 अनुबंधें गी समाप्त करी दिता ऐ। एहू अनुबंध जेडे गै 1 ज्हार 981 करोड़ रपे दे हे। इनेंगी मंजूरी आस्तै 2 ज्हार करोड़ रपे दी कीमत पर भारती सेना आस्तै तैयार कीता गेआ ऐ। ड्रोन दा पता लाने आहली प्रणालियां, बुलेट प्रूफ जैकटां, रातीं दिक्खने च मदद देने आहली रफलां एहदे तैहत खरीदे जाडन। मंत्रालय दा आखना ऐ जे हर खरीद कन्नै हालातें पर नजर रखना, सतर्क रौहने, खतरनाक थाहरें पर तैनात सैनिकें दी रक्षा च मदाद होग।

<><><><><><>

Govt. Crop Wise Campaign

सरकार पैदावार गी बदाने दे मकसद कन्नै वीरवार थमां फसल स्थाबै मुहिम शुरू करने जा'रदी ऐ। अज्ज नमीं दिल्ली च मीडिया कन्नै गल्लबात करदे होई राईबाई, करसान कल्याण मंत्री शिवराज सिंह

चौहान होरें आखेआ जे फसल स्हाबै सोयाबीन कन्नै इंदौर थमां शुरू होग। उनें दस्सेआ जे मुहिम दौरान करसान, साइंसदान ते हितधारक कट्टे बेइयै सोयाबीन दी पैदावार बदाने बारै चर्चा करंगन।

<><><><><><>

Axiom- Rescheduled

भारती अंतरिक्ष यात्री शुभांशु शुक्ला हुंदा अंतरराष्ट्री अंतरिक्ष सेशन आई.एस.एस आस्तै Axiom-4 मिशन हुन कल प्रक्षेपित कीता जाना तय कीता गेआ ऐ। नासा दी आधिकारिक वेबसाइट पर जारी इक बयानै मूजब नासा Axiom Space ते स्पेस 'एक्स' दी आई.एस.एस आस्तै चौथे निजी अंतरिक्ष यात्री अभियान दी शुरूआत कल दपैहरी 12 बज्जियै 1 मिनट पर करने दी योजना ऐ। एह मिशन लोरिडा च नासा दे केनेडी स्पेस सेंटर पर लांच काम्प्लेक्स 39-ए थवां प्रक्षेपित कीता जाग। इस मिशन गी मूल रूप कन्नै 29 मई गी प्रक्षेपित कीता जाना हा पर एहदे प्रक्षेपण च केई बारी बदलाव कीते गेन।

<><><><><><>

VP-Bihar

उपराष्ट्रपति जगदीप धनखड़ होरें आखेआ ऐ जे प्रधानमंत्री नरेंद्र मोदी हुंदी सरकार नै पिछले 10 बरें च आर्थिक ते बुनियादी ढांचे दे विकास दे मामले च ऐतिहासिक प्रदर्शन कीता ऐ। बिहार दे मुजफ्फरपुर च इक कार्यक्रम गी संबोधित करदे होई धनखड़ होरें आखेआ जे भारत लम्मी छाल लांदे होई शक्तिशाली अर्थ बवस्थाएं दी सूचि च 11मीं थवां चौथी थाहर पर पुज्जी गेआ। उनें आखेआ जे हुन युवाएं कश केई सारे मौके उपलब्ध न।

<><><><><><>

PM-MKB

प्रधानमंत्री नरेंद्र मोदी होर इस म्हीने दी 29 तरीक गी आकाशवाणी पर प्रसारित होने आहले अपने माहवार रेडियो कार्यक्रम “मन की बात” राएं देश-विदेश दे लोकें कन्नै अपने विचार सांझे करडन। एहू इस कार्यक्रम दी 123मीं किशत होग। लोक इस कार्यक्रम लेई अपने विचार ते सुझा टोल फ्री नंबर 1800-11-7800 पर सांझे करी सकदे न। लोक अपने विचार ते सुझा नरेंद्र मोदी ऐप या फी My Gov open forum पर भेजी सकदे न। विचार सांझा करने ते सुझा भेजने दी खीरी तरीक 27 जून ऐ।

<><><><><><>

LG-SMVDSB-Meeting

श्री माता वैष्णो देवी श्राइन बोर्ड दी 75मीं बैठक च अज्ज Spritual Growth Centre, Katra च होई। इस बैठक दी अध्यक्षता उपराज्यपाल मनोज सिन्हा होरें कीती जेड़े श्री माता वैष्णो देवी श्राइन बोर्ड दे चेयरमैन बी हैन। इस बैठक च श्री माता वैष्णो देवी दे दर्शन करने आहले यात्रुएं दी सुविधा, सुरक्षा गी होर बधाने लेई कई मुख फैसेले लैते गे। उपराज्यपाल होरें अधिकारियें गी निर्देश दित्ते जे ओहू मेडिकल सुपोर्ट, स्वच्छता, भीड़ नियंत्रण ते कनेक्टिविटी सने कई प्रबंधें गी यकीनी बनान।

<><><><><><>

Taiwan-China

ताइवान दे रक्षा मंत्रालय नै अज्ज दस्सेआ ऐ जे उन्दे क्षेत्र दे आले दोआले चीनी पीपल्स लिबरेशन आर्मी दे 12 विमान ते नौसेना दे 7 जहाजें दी हरकत दिक्खी गई ऐ। एहदे शा पैहले बी घुसपैठ दी ऐसी हरकत दिक्खी गई ही। उस वेल्लै ताइवान दे रक्षा मंत्रालय नै अपने क्षेत्र दे कोल 5 चीनी सैन्य विमानें ते नौसेना दे 9 जहाजें दी जानकारी दित्ती ही। स्थानीय मीडिया नै दस्सेआ ऐ जे ताइवान दे कोल कश चीनी सेना दी हरकत थमां पता चलदा ऐ जे चीन दबाव पाने दी नीति पर अमल करा'रदा ऐ।

ताइवान दे रक्षा मंत्रालय नै आखेआ जे ओहू चीन दी इस सेना दी घुसपैठ बारै सचेत नते ओहूदे पर नजर बनाइयै रक्खी दी ऐ।

<><><><><><>

ECI-Rahul Gandhi

चुनाऽ आयोग नै महाराष्ट्र विधानसभा चुनाएं च धांधली दे राहुल गांधी हुंदे आरोपें गी गलत ठहराया ऐ। उनें आखेआ जे पूरी चुना प्रक्रिया संसद दी तरफा पास कनूनें दे तैहत होई ऐ। चुनाऽ आयोग नै लो पाई जे पूरी चुनाऽ प्रक्रिया च ज्हारें कर्मी बक्ख-बक्ख राजनीतिक पार्टिं दे एजेंट बी शामिल हे। आयोग नै राहुल गांधी होरें गी सादा दित्ता ऐ जे ओहू सारे मसलें पर चर्चा आस्तै आन। तोआई गांधी होरें मीडियारिपोर्ट दा हवाला दिंदे होई दोबारा पिछले महाराष्ट्र चुनाएं च बी धांधली दे कथित मुद्दे गी चुक्केआ ते आखेआ जे मुख्मन्त्री देवेन्द्र फडनवीस हुंदे चुनावी हल्के च मतदाता सूची च 5 महीने च 8 फीसद दा बादा होआ। फडनवीस होरें बी कांग्रेस नेता पर वार करदे होई इल्जामें गी गलत ठहराया।

<><><><><><>

FM

केंद्री खजाना मंत्री निर्मला सीतारमण होरें आखेआ ऐ जे सरकार नै बपार पर दबा घट्ट करने आस्तै किश गैं पुट्टियां न जियां उत्पादन गी बदाने ते निर्यात गी मजबूत करने आस्तै , Exim Bank Trade Conclave-2025 गी नमीं दिल्ली च संबोधित करदे होई सीतारमण होरें आखेआ जे देश दा कुल निर्यात सब्बनें शा मता 825 बिलियन डालर पुज्जी गेआ ऐ ते पिछले बरे दे मकाबले 6 फीसदी दा बादा दर्ज कीता गेआ ऐ।

<><><><><><>

Samvidhan-Hatya Divas

संविधान हत्या दिवस कल मनाया जाग। एहू दिन 25 जून 1975 गी भारत दे संविधान गी कुचलने दी घटनाएं दा चेत्ता दोआंदा ऐ। इस दिन उनें सारे लोकें गी श्रद्धांजलि दित्ती जंदी ऐ जिनें आपातकाल

दी ज्यादतियें करी मुश्कलां झल्लियां। एह भारतीय इतिहास दा सब्बनें थवां काला समां हा। इस दिन उनें सारे लोके दे योगदान गी बी चेत्ता कीता जंदा ऐ जिनें आपातकाल दौरान अमानवीय दर्द बर्दाश्त कीता। पिछले बरे सरकार नै 25 जून गी संविधान हत्या दिवस घोषित कीता हा।

<><><><><><>

LG-Infra

केन्द्र सरकार आस्सेआ जम्मू कश्मीर केन्द्र शासम प्रदेश लेई 10 ज्हार 637 करोड़ रुपें दी लागत आली 19 शिड़क ते सुरंगें परियोजनाएं दी मंजूरी थ्होने पर उपराज्यपाल मनोज सिन्हा होरें आखेआ ऐ जे 296 किलोमीटर लम्बाई आलियां परियोजना सामारिक लिहाज कन्नै बी बड़ियां महत्वपूर्ण न की जे इंदे राएं दूर दरेड़े ते भलेया बन्ने कन्नै नगदे इलाकें च तैनात सुरक्षा बलें, सैनिकें ते फौजी ठकाने तगर जरूरी समेयान पजाने च बी मददगार साबत होंगन। उनें आखेआ जे इनें महत्वपूर्ण शिड़क ते सुरंग परियोजनाएं दी मदद कन्नै केन्द्र शासत प्रदेश दे दूर दरेड़े इलाकें च सैलानी थाहें तगर बी लोके दी सखल्ली पुज्ज जकीनी बनोग। उपराज्यपाल होरें इनें परियोजनाएं गी मंजूरी देने लेई प्रधानमंत्री नरेन्द्र मोदी ते केन्द्री शिड़क ट्रांसपोर्ट ते जरनैली शिड़ेक सरबन्धी मंत्री नितिन गडकरी हुंदा आभार प्रगट कीता। इनें परियोजनाएं च एनएच-701ए पर पीर की गली सुरंग परियोजना, एनएच-701ए पर जजनार शोपिया शिड़क परियोजना, लाल चौक थमां पारिमपोरा तगर कन्नो कन्नै चार गड्डिएं दे लघने दी छमता आला फ्लाई ओवर, एनएच-701 पर त्रेहगाम चमकोट आले हिस्से पर शिड़क दा निर्माण, नरबल गुलमर्ग फ्लाई ओवर, काजीगुंड बाई पास ते शौपिया च राम्बियारा पुल दा निर्माण शामिल ऐ।

<><><><><><>